

Whae wuid want tae shave their heid?

Not me, pal.

Mony an odd tack folk will take
tae satisfy a passin need,
or maybe juist for fancy's sake;
but whae wuid want tae shave their heid?

The razor's edge I lay each day
tae cheek an chin wi skill an speed,
but nae blade on ma skull I'd lay,
for whae wuid want tae shave their heid?

A Buddhist monk his heid will shave
tae show devotion tae his creed;
but though nirvana he may crave,
whae else wuid want tae shave their heid?

Far better let the barber comb
an trim wi hand trained tae succeed,
than sport a pink an shinin dome,
for whae wuid want tae shave their heid?

I never wis inclined ataw
the growth upon ma scalp tae quell,
but noo in auld age efter aw
ma heid is fast gaun bare itsel!